

PREMI “CHINO ERMACORA” SCUELE E MARILENGHE

I Premi Chino Ermacora, concors pai miôr projets didatics leâts al insegnament de lenghe e culture furlanis tes scuelis, al è inmaneât di doi agns di bande de Filologjiche grazie a la poie dal Ent Friûl tal Mont e de Provincie di Udin. La edizion dal 2016, la seconde, e à viodût la partecipazion di 38 lavôrs: 18 di bande des scuelis pe infanzie, 12 de primarie e 8 des secundariis di prin grât. Nol è stât par nuie facil pe Jurie, metude dongje di Gloria Aita pe Societât Filologjiche Furlane, Eddi Bortolussi nomenât dal Ent Friûl tal Mont e Alberto Guerra de Provincie di Udin, decretâ i vincidôrs propit pal nivel alt di ducj i lavôrs rivâts. Stant ai criteris stabilîts pe valutazion dai projets (inovativitât, atualitât, ricjece e pertinence dai contignûts, ûs de lenghe furlane e taliane) i vincidôr, dividûts pes categoriis, a son risultâts:

► SCUELE DE INFANZIE

Ator intal spassi de Scuele de Infanzie di Manià (prin premi di € 500,00)

Segnalâts:

Il mussulin de Scuele de Infanzie paritarie “P.T. Martina” di Ospedâl di Glemone;
Fruts e frutis a la scuvierte dal Friûl de Scuele de Infanzie “G. Zambelli” di Udin VI.

► SCUELE PRIMARIE

Mûrs e ûfs dûrs par un pitôr de Scuele Primarie “G. Ellero” di Tresesin (prin premi di € 500,00)



Segnalâts:

Fasìn furlan de Scuele Primarie “I. Nievo” di Premariâs;

Le ciliegie del collio de Scuele Primarie “Vittorino da Feltre” di Cormons.

► SCUELE SECONDARIE DI PRIN GRÂT

In chel di che si sin maridâts de Scuele Secondarie di prin grât “M.L. King” di Sedean

Segnalâts:

L’Orcolat dal 1976 in Friûl de Scuele Secondarie di prin grât “Pellegrino da San Daniele” di San Denêl;

Vuardînsi ator: made in Friûl de Scuele Secondarie di prin grât “A. Lizier” di Travês.

E cumò al è za pront il gnûf bant: par partecipâ al è timp fin ai 14 di Avrîl dal 2017. La tierce edizion e à la poie dal Ent Friûl tal Mont, dal Ducât dai vins furlans, il patrocin dal Uffici Scolastic Regionâl pal Friûl Vignesie Julie e de ARLeF.

Par partecipâ si à di mandâ a la segretarie dal premi (li da la Societât Filologjiche Furlane, vie Manin 18, 33100 Udin) une copie dal propi progjet didatic su cjarte, in formât digjitâl o multimediâl, insiemi a la schede anagrafiche cui dâts di riferiment dal lavôr presentât, che si pues discjamâ dal sît internet www.filologicafriulana.it là che si cjate ancje il regolament par intîr.

Ducj i materiâi a vignaran depositâts tal Centri di documentazion ricercje e sperimentazion didattiche pe scuele furlane che si cjate simpri in Filologjiche.

Par informazions si pues clamâ il numar 0432.501598 (int. 5) di lunis a vinars des 9 aes 13 o scrivi une mail a info@scuelefurlane.it

